



13. Tschanteda da la suprastanza cumünela in mardi, ils 4.8.2015 a las 08.00 in chesa cumünela S-chanf

Presidi: Duri Campell

Preschaints: Gian Andrea Bott, Jnes Barblan,

Absaints: Paolo Bernasconi, Liun Quadri

Actuar: Duri Schwenninger

Tractandas:

1. Protocol
2. 7.900 Plan da quartier Resgia Chapella, ultima lectüra e decisiun per mner tres l'exposiziun publica
3. 9.999 Varia

La glista da tractandas vain approveda sainza objecziuns.

Protocol: Il protocol da la tschanteda dals 22.07.2015 vain approvo unanimamaing.

100 7.900 Planisaziun dal territori cumünel Plan da quartier Resgia Chapella, ultima lectüra e decisiun per mner tres l'exposiziun publica

Illa tschanteda dals 22.07.2015 vaiva decis la suprastanza in preschentscha dal planiseder cumünel da fer differents müdamaints vi da las prescripziuns dal plan da quartier e'l plan d'inventar Resgia Chapella. Impü es gnida tiers la parcella nr. 367 i'l perimenter dal plan da quartier, siand cha l'access da la parcella po gnir uschè reglo. Il planiseder ho adatto la documaint tenor decisiun e la suprastanza fo üna lectüra da quella e decida unanimamaing da mner tres l'exposiziun publica da las actas dal plan da quartier Resgia Chapella. L'exposiziun publica ho lö dals 06 avuost 2015 fin ils 04 settember 2015.

101 9.999 Varia

Il president orientescha, cha Claudia Camichel ho desdit zieva 3 ans la fitteda dal restorant Prasüras süls 31.10.2015. A temp ütil vain la fitteda publisheda da nouv.

Inavaunt orientesch'il president, cha düraunt la prüm'eivna d'october ho lö per la prüma vouta our la Flab il champ da scolaziun e vacanzas „Aula“, ün champ per prüm'agüd da l'associaziun dal servezzan da sanited dal militer. Cha'ls organisatuors pernotteschan dals 4 süls 5 october 2015 illa stalla da l'alp Chaschauna.

La supastanza vain orienteda, cha tenor la nouva constituziun es da tscherner ün büro electorel. La publicaziun per las plazzas libras dess gnir fat prosmamaing.

Il president orientescha, cha'l contabel ho inoltro la desditta da la piazza süls 31.05.2016.

A las 09.00 vain la tschanteda alveda.

In buna fè

L'actuar:
D. Schwenninger